

communiter vivat et fratribus prout potuerit prodesse magis quam praeesse studeat. Quicumque vero praedicto iam monasterio in augendis rebus vel religione adiutores extiterint, Christum dominum et sanctam eius genitricem atque beatorum apostolorum principes habere mereantur adiutores. Econtra autem quicumque temerarii vel audaces monasterium aut fratres sive quaslibet res ad eos pertinentes laedere aut usurpare praesumpserint, illos per apostolicam auctoritatem, nobis per ipsos¹ a Deo concessam, sub anathematis vinculo, nisi resipuerint, usque in diem iudicii obligamus. Observantibus haec gratia et pax Christi multiplicetur.

Scriptum per manum Theodori notarii et scriniarii² sanctae Romanae ecclesiae nonis Ianuarii, indictione undecima.

Pariser Nationalbibl. ms. lat. 12820 s. XVII. fol. 23'.

IX.

Leo VII. bestätigt der Cathedrale von Orléans ihre Besitzungen und Rechte. 938, Jan. 9. J.-L. 3607.

Leo episcopus servus servorum Dei Anselmo religioso praesuli sanctae matris ecclesiae Aurelianensis in honore Sanctae Crucis dedicatae suisque successoribus in perpetuum. Convenit apostolico moderamini, pia religione pollentibus benivola compassione succurrere et poscentium animis alacri devotione assensum impertiri. Ex hoc enim lucri potissimum apud conditorem omnium Deum obtinere confidimus, dum³ venerabilia loca ad meliorem statum nostro fuerint amminiculo reparata, et in hoc debemus omne studium habere ut, quia nostris peccatis exigentibus rerum ordo nimis turbatus est, illum in quantum possumus, Deo largiente⁴, sustentare curemus. Proinde noverit sancta et universalis ecclesia nostrorumque tam praesentium quam futurorum sollertia, quia vir venerabilis Anselmus⁵ praedictae civitatis episcopus adiens nostram serenitatem, obtulit praesentiae nostrae⁶ auctoritates praedecessorum nostrorum apostolicorum virorum huius sanctae sedis Romanae, in quibus continebatur, qualiter ei omnes res ecclesiae suae perpetualiter ad deserviendum confirmaverint; postulans atque humiliter obsecrans, ut nos morem praecedentium patrum sequentes, easdem res a sanctae fidei cultoribus sub testamentorum traditionibus eidem ecclesiae delegatas regumque Francorum testamentorum⁷ munimine promulgatas et apostolica auctoritate a nostris praedecessoribus pridem destinatas, simili

1) d. h. 'apostolos'. 2) 'secretarii' Hs. 3) 'quod' B. Mit B. bezeichne ich die Abweichungen von dem Texte der Bulle Benedicts VII, welche hinter dieser im Auszuge folgt. 4) 'deo larg. possumus' B.

5) Anselm 912—938; in der Bulle B. heisst es Arnulfus, 972—980.

6) 'nostrae' habe ich hinzugefügt. 7) 'privilegii' B.